

109 年全國語文競賽原住民族語朗讀【東排灣語】 國小學生組 編號 1 號
mazazeliuliulj

anema sikavaljualjut na sepaiwan kasicuayan, mavan a semualap ta cemel ta kasiv sa ljamayi sa sanqumayi. kata qemaljup tjepana. a yiqinaljan nuri qemumaq nuri kemavacuk nuri semanumaq, nu aminyitjen a yitjumaq a kipusengsengan uri nalemuljai saka uripaljeraru tua qadaw uta, avanasika nukalja sengsengan i vavua, aicu a paiwan tjaljatjenglayan ta mazazeliuliuljan.

anema mazazeliuliuljan nu ayayitjen, mavan na masasumusumus amasengseng, na maqacuvucuvung namatjevetjevelj masengseng. Ijakua inika papaqadjilj, azua tiemandju a mareqaliqali a maredravadrava katua maresudjusudju a maqacuvucuvung, madjadjaladjalan a vaik a kipusengesengan.

pacun ta sengesengan nu na tjemangatjang piisangasen, matazua masasumusumus a masengseng a maqacuvung a patje maqacuvung a sengsengan. aicu a namayatucu a sikasengsengan, ikatjen a masupaisu, saka djaljav aravac a maqacuvung a sengsengan, qau tjitjen a mapuljat na marekiljivaljivak itjen uta. nanguaq aravac a namayatucu.

selapai nu ljiazaya anga sazazatj, qemiladj a mapuljatj i tjaizayazaya sa kipaypayz ta tjakurung sa senasenai. azua senai kipalingulj ta gadu, kumalji a cuaianga malangdangda anan azua ljingaw, izua nu malimanga mapuljatj tua luljayan, azua levan katua kinanguaq namaya tua zinuga!

tucu izua anga kikay a sikasengseng ta anemanga sengsengan, patagilj anga sepaiwan a semakikay a seman quma. avanasika pazangal a pacun ta mazazeliuliuljan a masengsengseng.

tjuruvu a sepaiwan a caucau a patjeljip aravac tayicu. aicu a mazazeliuljan nanguaq aravac a kakudan na sepaiwan, nanguaq a tja pacikelen satje pazurungan avan zua paqlid.

109 年全國語文競賽原住民族語朗讀【東排灣語】 國小學生組 編號 4 號
niyaken a taqumaqanan

a niya kinacemkeljan, izuwa tiya vuvu, ti kama, ti kina, katua
marekaku kaka, nakarekiljivaljivak amen.

aku vuvu a marusa, temukuzakuzan anga nu djemavac.

mababuray aravac, tiamadju, nuvaik a kivala a kivangavang, namatja
tjiyatjiyak, djemeridjeri nu maljaval.

iyana kepacun tu marivu , a caucaw, saljinga ta sine djaluwan niya
vuvu.

a ku kama kataku kina, nekanukusi kiljavalan.
buraytuburay sakamaya, ljakuwa, izwa sa masan nitalj a
urikusipasemalaw.

izuwa tu qadaw, gemalju a mangetjez a sema tjumaq aku kama,
tuwazuwa nakisezam aku kaka.

kaw masukiljaljavanga aku kina, kamagetjez aku kama.
manu kasi nuwan sun, mayanga tja aljak a nakisezam, ayain naku kina.
mapaljiyu. sa makinamalji, pakaljua qivuayain, saturekan taku vuvu naku
kama remumalje, taramaljemaljen ayain.
au tiyamen a taqumaqanan namare kiljivaljiva kamen.

akukama sayguwa maljikay sayguwa papedjeli tja sayguwanan a
puringay ta sacemel, nu sema gadu a qemaljup, kacuyn avatu nikama a
qecengecengel, qaliyalian avatu nimadju.
tjengelay a semapana sema veljeruwan a kiciqaw, a kigang, kiquzang
saljingaken tu mangtjez mun ituwa niya cemekeljan uljakunu pasiyavi ta
sacemel ta maka pana ta maka veljeluwan aciqaw pangetjengetjezu
keljukelju ituwa niya cemekeljan.

akukina keriya kay ljakuwa kana makinamalji namaya ta venalivali
namaya ta lemunimuni nama ta zemuzung, ljakuwa aycuwa kinamalji na
kukina masa niya culeq masaniya liningavan.

aku kina liyawa sengesengan namaya ta kemesa venateq semuwap
semenaw palimasudj ta itjumaq, numawqadaw semavavuwa a masengeseng
ta puvaquwan tapululasian ta pupaketjavan tapuljacengan, ikakemeljang ta
maluljay amin asaljingan tuna talivak tuna suljivatj amen.

amaleka kukaka namaya tjanuwaken kitulutuluwanan ikungkuwan.

109 年全國語文競賽原住民族語朗讀【北排灣語】 國小學生組 編號 2 號
kudain a kacalisian sun

ka tapuluq anan a ku cavilj, izua ka makatalj, kacuin aken ni kama a uri sema vavua men, qau ka i djalan anan amen, izua za djalan a naselapai a maljekuya tua zinaljuman, manu ka pacun ti kama kirimu a semkez sa patagilj a ljemnguaq tazua djalan, a matu mavan anga a nia pinaranaw a sema gadu.

“ aku titjen a ljemenguaq tua djalan? ” ku ayain a kivadaq ti kama.

“ tja djalan a mapuljat aicu, kumalji a tima nu kana pacun tu izua a namaljekuya tua tja djalan, ki tjara namaya uta a secker sa ljenguaq, inika manu masa nanguaqan nua tja varung, aicu tja sinikamamamaw a pudjalan a mapuljat a cemavulid ”, ayain aken a temvela ni kama.

tuazua, inika ken a kemljang tuki anema angata a patarevan nua siayatazua ni kama, ljakua naqeljetep aken sakamaya sa ku kisaseljang a tjaimadju a zemukum a masengseng.

manu paqlid a kai ni kama, inika nacuai, tjatju ka semkeseket azua marka caucau a uri cemalivat i zua, sa kisaseljang a masengseng a patje maljenguaq saka kemaljacemikelan azua kinakemudamudan nazua djalan, ka namrepudjavadjai anga men, mavadavadai anga sa tjara vaivaik a sema tua uri marka sazuain.

pasemalavan aken ni kama, “ kudain a kacalisian itjen ”, izua aicu a namayatucu a tja sinikamamamaw a tja sinan kakavelian tua tja pakakisazuazua, titjen a semusu a kimadju tuki makudakuda a tja kipapuljat itua tja qinaljan?

uii tu kakedrian anan aken, ljakua kudral aravac a ku kinivauvalj a kitulu tua patjara siparekivalisakesakedan tua kinataqaljaqaljanan nua kacalisian.

tua situluan anga ni kama tjanuaken, tjara qivu anan a palegleg a patjavililj, “ namayatucu a tulu nua tja sevalitan, namayatucu uta a tulu ni kama tjanuaken, patje tucu ini anan ka ken a pacun tuki izua a seljekuya, pai saka ayatazua-u anga uta a temulu tua marka su aljak nutjaivililj ”, aya.

aicu mavan ka tjakezeng anga ken a pagalju, izuanga ku pulingalingaven a pagalju taicu a sinitulu ni kama. pai kinemnem aken tu inika nanguaq a madraudraw a namayatucu a tatuluan a nguanguaq aravac nua Payuan zuku, saka nu pualjak anga ken, ki tjara ku situlu uta tua marka ku aljak a marka ku vuvu aicu a tulu, ulja sipatatavelavelak aicu a namayatucu a namasan kakavelian a nasi itua nia kinacemkeljan a patje palalaut.

ljinizavan tua sauzyan

namasanlialiav a sipaljizaljizav, ljinengua' a pinitua mapacucun
asinantjukuy. aicua na'emacuvung a raravain na u'aljay na vavayan a
kinacalisianan a lalang, azua zinanga' a tjaljikezang, samilingangata! azua
valji kata 'aciljay a vincikan, dredretan kata matjak a djilung,aza turivecan
a namakakaizuazua, savid a sicuacuayan a sauzyan, natemalidu aravac!
azua sinipukeljang pinatjatjuljivar a kinacalisianan kata ciniukukuan a vecik,
kumalji kisuna payrang a kacalisian madjulu kisuna makaya semupu tua
sinivecik. sasu pulingalingav tu kianemanema azua, tu kisikudakuda azua.
makaya uta su pasasingan saka kemasitua su dinva sa ljemaluay apacun
asemupu. makaya a papudjalim sapapuca'uan tjanuitjen a pa'ulid!
kemeljang itjen amapuljat, tapulu'sakaizuanga a cavilj tua sinipenetj
natjaivava a tja inalap a lumazi, tu namasan kanitjenanga a vecik. tucuanga
kisaseljang itjen ta va'uan aziday, tjasikeljakeljang tu pupiculj aravac nua
pinetjan tua nitjen a nakacalisian avecik, ikanga saurima'ulip, izuazuanga
sakamaya tja pacucunan a kakituluan na tjaivilivililj.

taicua kuljinizavan a tjalamakeljangan, vanazua vincikan avalji'as a kasiv
tu limatjaljtjaljan apasavavav. aicua ita masanlimalj avincikan malivu,

kamasadip amalivu a'inaljan, natjemu'ulj tua lami navenaca' tua turivecan
nasemevalj ta 'a'unuan;aza vincikan ita masansimatjelj paukukuz a
mazazangiljan, izua tjiuma na'emalu ta vutjulj kata zemiyaziyan;aza
vincikan ita masantjelulj kaka'epuan, namasivulu' tjakit a rakac ma'epu'epu
ikaljuvuljuvung ta djaraljap;aza ita masanmusalj avincikan masalut,
maysuysu 'emavay a vavayavayan, 'emalju'aljup a u'alja'aljay;aza
itatekutekuan avincikan cemevelj, takaljazipungan kinaumaljan atja sikudan,
tinaulananga asitjaisangasangas nucemevelj kuculjen apitjuma', patagiljen
alemukulj tu pasacaceveljan anamacay. vanu tjasikeljang asikudakudan na
tjasevalitan.
tucu patagiljanga a pitua kungun tua patadjaljdjalj a vencik tua
kinacalisianan a kungun, pay tjasizangalan akemacalisianan a vencik tua tja
kay tua tja kakudakudan. kipa'eneti a sitjaisangas a ca'uan, satje kasaluy tu
valjutanga atja kay, ayata izuang namasan nitjenanga a vecik!

tjakudai a kacalisiyan sun

a tapuluq anan a u cavilj, izua a makatalj, kacuin aken ni kama a uri
sema vavua men, au ka i djalan anan amen, izuwa za djalan a namacunuq
tuwa zinaljuman, manu ta pacun ti ama semekez sa patagilj a
semananguwaq tazuwa djalan, a matu mavan anga a niya pinaranav a sema
gadu.

“aku titjen a semananguwaq tuwa djalan? ” u ayain a kivadaq ti ama.

“tja djalan a mapuljat aicu, kumalji a tima nu kana pacun tu izuwa a
namacunuq tuwa tja djalan, ki tjara namaya auta a seceker sa sananguwaq,
inika manu masa nanguwaqan nuwa tja varung, aicu tja sinikamama’amav a
pudjalan a mapuljat a cemavulid, ” ayain aken a temvela ni ama.

manu paruwarut a kai ni ama, inika nacuai, tjatju ka semkesekez azuwa
marka caucau a uri cemalivat i zuwa, sa kisaseljang a masengseng a patje
masananguwaq saka kemaljacemikelan azua kinakemudamudan nazuwa
djalan, ta namarepu djavadjavai anga tiyamadju, mavadavadai anga sa tjara
vaivaik a sema tuwa uri sazuwain.

pasemalavan aken ni ama, “tjakudai a kacalisiyan itjen, ” izuwa aicu a
namayatucu a tja sinikamama’amav a tja sinan kakavelian tuwa tja

pakakisazuwazuwa, titjen a semusu a menacidiljan tuki makudakuda a tja
kipapuljat ituwa tja qinaljan?

ui tu kakedrian anan aken, ljakuwa kudral aravac a u kinivauvalj a
kitulu tuwa patjara siparekivalisak paqaqeljqeljing tuwa kinata
qaljaqaljanaq nuwa kacalisiyan.

ta situluan anga ni ama tjanuaken, tjara qivu anan a papaulingav a
patjavililj “namayatucu a tulu nuwa tja sevalitan, namayatucu auta a tulu ni
ama tjanuaken, patje tucu ini anan ka ken a pacun tuki izuwa a seljekuya,
pai saka ayatazua’u anga auta a temulu tuwa marka su aljak nutjaivililj, ”
aya.

109 年全國語文競賽原住民族語朗讀【中排灣語】 國小學生組 編號 4 號
izua keluljung nua kacikacing(kalabiabi/kalazuazung)

izua za kacikacing, kitjavilivililj ta kina a djemekuac, manu mazeli sa qivu ta kina mayatucu “ kina, akua nasemevalj itjen tuca udresul sa sadjelung a keluljung? ”

temevela a kina “ aya tua neka nutja cuqelalj a namiceng tua tja kinacavacavan, saka amin a djemekuac, mavan nu tja sigalju, manasika nakuya neka nu tja keluljung. ”

ljakua maljia qatjuvitjuvi neka nu cuqelalj uta, inika djaljav, awa inika semevalj tua keluljung? selevelev ti kacikacing(kalabiabi/kalazuazung) a kivadaq ta kina. patevela a kina mayatucu “ ayatua aicu a qatjuvitjuvi uri masan kadjiadji(kalabiabi/ kalazuazung) timadju, izua kalevelevan a paljakev tjaimadju! ”

sa azua qatjudrai namaya neka nu cuqelalj, inika djaljav a mekelj uta, inika masan kadjiadji(kalabiabi/kalazuazung), awa inika semevalj tua sadjeludjelung a keluljung? saljinga sakamaya ti kacikacing (kalabiabi/kalazuazung) tua zuma, patjaizua kivadaq ta kina. djemeli a kina sa qivu “ ayatua azua qatjudrai ljetaladj tua qipu timadju, izua kadjunangan a paljakev tjaimadju pai! ”

manu, qemaung a pasiqaca ti kacikacing(kalabiabi/kalazuazung) a mayatucu “ sa tima numaya lja uri paljakev a kiljivak tjanuitjen? neka nu tja tjaljiqacaqaca a kalevelevan, neka nu tja edremedremel a kadjunangan aya! ” azua kina neka nu kai sa seljudrung timadju izua....

izua kai a mayatucu “ a tja kinaikacauwanan, izua tapuluq a alu a siva sakamaya, inika nasekanavalj.” gata mapida zua caucau a napuvarung sa kikamanguaq tuazua ita drusa? siayanga titjen a kakedrian, tja salasaladj a tja kivauvauvaljan tua nemanga, nu pacun itjen tua nemanga nua zuma, sa neka nu nitjen, inika ken a venala tuazuma aya itjen, saqetju a tja varung, kipaseturudj itjen, madjulu a sadjelung a tja varung, inika tjen a masalu tua tja ginaugav a kanitjenan a manguaqan, sa patjaizua tua tja levan, sikuda vaik a pacun tua nitjen a nekacan, avan a semupu tua tja nanguaqlan, sa tjen a namasalu tua tja kinaikacauwanan.

109 年全國語文競賽原住民族語朗讀【南排灣語】 國小學生組 編號 1 號
seman pazangal tua qinaljan

aai... anga tja qinaljan a namaka kilalailaing, a namare kiljivaljivak, a na marasurasudj.

a levan a talimuzavan a sengsengan sini kamamamaw niamadju a mapuljat, a masantalj.

ljakua, mapavalit a zidai, ka vaik a marka maqacuvucuvung a sema pairang a kipaisu, kemasizuanga patagilj nua sisecacadjan tua kinljangana tua kakudakudan nua kacalisian.

nu cuacuai anga i pairang sa semaumaq, na seqalja anga tua sikataqaljan. ini anga ka kemljang tua tja kakudan. nu secevung itjen ini anga ka maredpaqaljaqaljai. na maredpasulivalivai anga a mareka caucau.

na penapeqaung aravac a kinakemudamudan nua tja qinaljan tucu. a kinasu maqacuvucuvungan a qinaljan na semapulju anga. ayatua nekanga nu semenasenai, nekanga nu makakivalavala, nekanga uta nu mazazeliuliulj, nua maqacuvucuvung a murisengsengan i qinaljan.

nu sema qinaljan itjen tucu, amin anga vavuluvulungan katua kakedrian. natemalidu nasemaqetju aravac tua tja varung.

ayatua kitjakudai saka namakaya seman pazangal a mareka maqacuvucuvung, i pairang tua kinasizuanan niamadju a qinaljan? a min a kipuvarung itjen a mapuljat tu qempu tua i qinaljan katua kemasi pairang a maqacuvucuvung a pasaqlinaljan. sa kiqaqepuan tua vavulungan, sa langda sa pualang tua kakudan i qinaljan.

nu mayatuazua makaya tiamadju a kitulu sa kilingaw tua puvarungan nua mareka sevalitan. nu kemljang tua kapaz nua nasi nia madju. tjara izua saqtjuan nua varung katua urika kipaqenetjan anga nimadju a palalaut.

nu tja pacunan a tja sikudan tucu i qinaljan, tjara liau anga ika mapacual tua kakudan nua tja vuvu. ayatua mavalit anga tja sivaljutan a sengsengan tucu anga zidai a tja seljavajavakan.

aicu a tja situluan tua kakedrian tucu anga, uri pazangal a patulu i pairang i gak-ku, kitjen aya.

ljinizavan tua sauzyan

katjaisangas a qiljas, izua aken ita vaquan a ljaljizavan tua sineqetj a sauzyan i tusukuan. azua vincikan tua kasiu masanlialiav a sipaljizalizav, ljinenguaq a pinitua sinancukuy. pai, tja pacunay! aicu a naqemacuvung a raravain na uqaljay na vavayan a kinacalisianan a lalang azua zinangaq a tjajikezang, samiling angata! izua uta valji kata qaciljay a vincikan, izua dredretan katua matjak a djilung, aza turivecan a namakakaizuazua, savid a sicuacuayan a sauzyan, natemalidu aravac!

azua sinipukeljang a vecik izua kinacalisianan katua azua ciniukukuan a vecik, kumalji kisun a pairang a kacalisiyan madjulu a makaya semupu tua sinivecik. sasu pualang tu kianemaya azua, tuki sikudakuda azua. makaya uta su pasasingan saka kemasitua su dinva sa ljemuay a pacun a semupu. Parukitulu itjen a pacun, kemasi tua vecik a sinisu, maqati tjen a pualang a paqulid. puqimang itjen a taqaljaqaljan tua kinipusaliman anamaytucu, napenakaleva aravac dri!

kemeljang itjen tu tapuluq anga saka izua cavilj a tinuluan itjen tua tja vecik a lumazi, tucuanga kisaseljang itjen ta vaquan a ziday, tja sikeljakeljang tu pupiculj aravac nua pinetjan tua nitjen a nakacalisian avecik, ikanga sauri maqulip, izuazuanga sakamaya tja pacucunan a kakituluan nua tjaivilivilij.

taicu a ku ljinizavan a tjalja mapaqenetj, avan azua vincikan a valjiqas a kasiv tu limatjaljtjaljan a pasavavau. pai, ku kasivavavav semusu. tjanuitjen, aicua itua masanlimalj a vincikan malivu, kamasadip a malivu a qinaljan, natemuqlj tua lami, navenacaq tua turivecan nasemevalj ta qaquinuwan; aza vincikan ita masansimatjelj paukukuz a mazazangiljan, izua tjiuma, naqemalu ta vutjulj katua zemiyaziyan. aza vincikan ita masantjelulj, kakaqepuan, namasimuluq, tja kit, a rakac maqepuqepu i kaljuvuljuvung ta djaraljap; azua ita masanmusaj a vincikan masalut, maisuisu, qemavay a vavayavayan, qemaljuqaljup a uqaljaqaljay. azua ita ekutekuan avincikan cemevelj takaljazipungan kinaumaljan a tja sikudan, tjinaulananga a sitjaisangasangas, nucemevelj kuculjen apitjumaq. patagiljen alemukulj tu pasacaceveljan anamacay. avanu tja sikeljang a sikudakudan na tjasevalitan.

tucu izuanga(liningdjelj a penetj tua tja kay) nua sihu, patagiljanga a pitua ku-bung tua patadjaljdjalj a vencik tua kinacalisianan a ku-bung, pay tja sizangalan a kemacalisiyanan a vencik tua tja kay tua tja kakudakudan. tja kipaqenetjay a sitjaisangas a caquan, satje kasaluy tu valjutanga a tja kakai izuanga namasan nitjenanga a vecik!

109 年全國語文競賽原住民族語朗讀【東排灣語】 國中學生組 編號 2 號
qemezemetj ita kaljavaquan

mangtjez anga kalalazung kata tjaminan ana masih alju nua vuciyar,
kinipusauan anga kavuavuan sa tjumaq a tavaluljan a size kata gung,
remuqu ta sapuy a tjukutjku a qudjilj a matu sapuy sa tjuaq a qadaw, ka
temeljar a dingki ita djalan sa parasulem a pakeljang ta qinaljan, mangtjez
anga kipagalju ka qezemezemetj na kaljavaquan. mangtjez anga! mangtjez
anga!

ljetekun anga kipagalju a kemasi tua ngaingaw nua yasi. mangtjez
anga! mangtjez anga!
vinuquesian a pulingetj tua cencu kata qaqqacan tu galjiljgilj a ginpi a
kalevelevan. na bulay a vengin na kaljavaquan lja!

na sarunguaq a vengin na kaljavaquan lja!
na taqed anga qinljevan tua drinipa kaizuan a siusiu kata bibibibi.
maka kilangda tua milimilingan ni vuvuvuvu a ramaljeng, a uqaljay
kata vavayan a kakedrian sevaik maca a misepisepi anga.

taqed anga, na daqed anga!
matu ljemeljimek, na miculeq sa kataqed a gadu!

matu ljemeljimek, na miculeq sa kataqed a kavuavuan!
amin anga na kitjavu tua padrar i tjaisasaw tua qezung a siak ana
paceged anan, kinecekec a vaudj sa kipagalju a ljevavaw tua qaljiw.
amin anga liljualjuas a pana na paceged anan, kipagaljugalju a semanay
sa kicakau a maka ta vikiviking a kedrikedri a tjakudrang.
amian anga karuang ana paceged anan, mekelj sa tjekacauan tua
qauqauin, kicaciuran tua masih ranpu a qucivauvau.
malevaleva tjeqalja ita bulabulay a vengin na kaljavaquan.

109 年全國語文競賽原住民族語朗讀【東排灣語】 國中學生組 編號 3 號

temalidu a tjaucikel ta kadjunangan

aicu a tja qinaljan a qaumayin a qaqljupan a kinalivuan, a penuljat
anga makeljang tu na kemasicuay tu nitjen a kadjunangan. a uri tja sisan
tjaucikel tucu a kadjunangan, mavana zua tjaranimadjumadju a
pinakazuanan a ngadan. izua na macacapilj ta sacemel ta cinuvuqan tua
nemanga, siyalap ta kinakemudan a gadu a pana a siljezayan a siljelauzan a
sikivalidian; izua na pacevung tua rivurivuan tua kiniqeciyan ta qalja. ka
sicuayan azua kadjunangan a pasainu tunazuanga, savid a pinu ngadanan.
inika namaya tucu a qinulip anga na sihu a kangadanan, amin anga pinu
bangguan sakamaya, pazangal anga tjaivilivilij a kisu su tua kangadanan nua
tja mareka kadjunangan a patjelja gadu patjelja pana. saka azua caquan an
tua sinipapungadan na kadjunangan anga nua tja sevalitan, ay! paulananga
kimatazuanga sa kaqulip!

kupai kitjaucikeli, izua za baljaka aya a qinaljan, a kinakemudan maru
na kaviri a kaviaqan, aza vecekadan maru kazatjazatjan, zinangan nua
taqaljaqaljan a na seljenguaq, azua maru sepatj a cinurisan i vecekadn sinan
kadjalanan, aza maru vulungan na ljezaya a pagalju sisakavulungan aya, aza
tjineveljan a paru gaugavan a palingulj ana pasa navalj izua cevaceva tjatjan,

aza i maru kazatjan pasakaledep pasa pairang a djalan aya tjaucikel,
temalidu a paqulid!
izua za i ljaljizavan aya, maljeneljeng aravac a pasa pairing, sinan
sasekezan cacalivatan. izua za i draljeking aya, pungadanan tua
kinakemudan a gadu. nu lemangeda itjen tua si qaquivuanan kemeljang itjen
tu yanuan tu na makuda. izua za i ljaceljac aya, nu djaljun tua pinenetjan a
qadaw, kicevungan ta pairang a mazua tua cacevungan a kadjunangan, nu
marasudj a ljavar an makakuang sa patagilj a kivalit ta qatia, vatjuljayan,
turivecan. izua za i drungpul aya a veljeluan. ti Muakakay a cemas ana
zemang, timadju nakuya varung rupatalaqan aya. nu makazua timanga, tjara
cempis tua asaw tu sipaselem ta zinangaq, magagalj tu patalaqan sa
paselapayi. ayata sinan palisi aizua, mapulju a temuru a mazua i veljeluan.
apaqulid izua liavanan a i tjuzuma a pinu ngadanan a kadjunangan, aza i
puljavingan aya, aza i maruljinay aya..., liaw anan iru tje makasusu a
patjenungida! kana tja keljangen nakuya dremaudraw, ayata aicu a tja gadu,
atja pana, atja veljeluan, a tja kadjunangan, na kemasi vinqacan nua tja
sevalitan.

tjainan

aicu a tjacekeljan na tjainan, izua ita a sinan mazangilj, kurakurar saka qucengecengel a tjainan, napenakisumalji timadju, mavan a kakikelekelan nua tjainan a mapuljat. izua uta qucengecengel a tjangayu a tjainan, inika masengseng, keman sakamaya. azua zumanga tjainan vaik a kivangalj, a masengseng, a kisumavan tua nasengsengan anga nua tjainan. au saka nu liavanga tjainan itua taumaqan, inika anga makaya tjaljutjumaq a zuma tjainan, pai kitekaz a zuma tjainan. kitekaz nu aya, vaik aza zuma tjainan a kiayan ta kina mazangilj, tjaljutjumaq aza zuma a kikelkel ta za vaquan a uri sanmazangiljen. pai nu vaikanga aza kina a mazangilj, makitekaz anga aza kinaizuan a umaq a tjaisangas aya itjen.

izua malivu na tjainan, malivu nu aya, vaik a tjainan a mapuljat a sema zua ta vaquan a umaq. nu miperepereper tiemandju, nu cada aza pinuriumaq, saka maluljay i djalan a za mazangilj, semekez anan sa kicaing ta kasiv, aza zuma tjainan kiqupungan sa paselemi a mapuljat ti mazangilj, marekutj tu alapen na zuma, nu masululjayan anga tiemandju vaik anga uta.

kasicuayan nu uri malap ta tjainan a pasauaqaq, tjara semangas a karim ta za mazangilj, nu djinameq anga a za mazangilj, paqadjayan ta quvalj a

pita kula, sa pavegetjan a pitjaladj ta karangu. nu tja qatazuain, mavan a mangetjez a mapuljat a tjainan a qemupung ta za mazangilj niemandju. sa pasatjaladji ta sikau na vavulungan aza karangu a qinupungan na tjainan. nu semaumaq anga pasazuain anga ita papaquizipan ta tjainan a lukulj, pai tjaljuzua anga tjiamadju itua vaquan a umaq.

nu tja pinaquizip a cuacuay anga aza tjainan, nu tja pacunan tu i tjaisasasasav anga aza alju, makeljang tu liav anga aza alju, makay anga kialjuin, nu kialju itjen, kipapaulingav itjen, tjara kiquleng itjen ta sikau, mavan nu aicu qaqavan nitjen tua tja lami nu aya za tjainan, palemek tu mantjez a mapuljat sa caljedi itjen. au nu kialju itjen aya za vavulungan nu qivu, nakuya malap a penuljat taza alju, tja putjezaan a tjainan ta lami niemandju aya.

aicu a tjainan izua sinanmazangilj, titjen a paiwan zuku izua uta tja mazangilj itua tja qinaljan, na seman pazangal ta mazangilj aicu a tjainan, titjen a paiwan zuku namaya uta, na seman pazangal itjen tua tja mazangilj, manasika aicu a namayatucu a kakudan na tjainan, uri mamav katua tja kakudan a paiwan zuku, a na penakisumalji angata.

uqaljaqaljai katua vavayavayan itua se Payuan zuku

a itua kinateveteljan nua se Payuan zuku, azua mapaqaljayan katua paljavakan a picul nua uqaljaqaljai katua vavayavayan mamaw angata, neka nu sikamaretimaljian.

aicu maretimalji aravac katua tja kinljang a kakudan nua pairang katua tjatjuruvu i ljinaungan tua i kacauan a marka kinaqaljanan a “semanpazangal tua uqaljaqaljai saka semanneka tua vavayavayan”.

a itua kinateveteljan nua se Payuan zuku liaw aravac a namasankakudan, a namaya tua palisian, tua papungadan, tua semanpaulan, tua masudjusudju a nakuya nu neka nu mamazangiljan a namasankivadaqan a pakakulekuletj tua seljenguaq i qinaljan, qau azua namasanlaraqus a mamazangiljan i qinaljan inika manu pinatjatjainuan tua uqaljai tua vavayan.

“azua sangasangsan a sipialjak mavan a sinanvusam.” aicu mavan a tjaljapakisumalian tua namasankakudan tua Payuan zuku. qau aicu inika sipuvavayan a sipu-uqaljai nu kana sangasangsan a sipialjak, mavan a mapenetj tu “kisantemavelak” tua kisamulja nua matjaljaljak.

qau namaya uta a mamazangiljan i qinaljan a “sipatatavelavelak a kemasi qinatian”, manasika nu vavayan a vusam itua kinacemkeljan nua

mamazangiljan, ki tjara mavan sakamaya azua timadju a vavayan a vusam a kisanmamazangiljan i qinaljan. pai sa kemasi kakedrian timadju a kitulu a kitavak tua sengsengan katua kipapaulingaw tua kinalingdjeljan tu sikamamazangiljan, ayatua timadju kudral aravac a kapacacapilj tuki uri sikamirazek aki ini nua qinaljan nutjaivililj.

a uqaljai katua vavayan izua sakamaya sikamaretimaljian i qinaljan tua se Payuan zuku. a sikudan tua sikavaljut, a ligiljan tua kipulima, a sikavan katua parutavak a zian itua kinateveteljan, namakeljang a sikalingdjeljan nua uqaljai katua vavayan.

azua papazangalan a sengsengan, azua qemaljup, azua penatjez a vencik, azua kiqecian a paljakev tua kinacemkeljan tua i qinaljan, tjara ki uqaljaqaljai; azua tjemnun, a puluvuc a vencik, a cemaqis, a venateq, a kemsia, a kirapalj tua kakedrian, tjara ki vavayavayan.

azua itua kinateveteljan i qinaljan, namakeljang a sedjaljep a namasankinalingdjeljan nua uqaljaqaljai a vavayavayan, ljakua azua pitua mapaqaljayan katua paljavakan a picul nu aya, a uqaljaqaljai a vavayavayan mamaw angata neka nu pinatjatjainuan.

109 年全國語文競賽原住民族語朗讀【中排灣語】 國中學生組 編號 3 號
semusu ta laljing

nakiciyur aken tjaikama a semusu tua laljing, kemavic aken tua
pinisikau a ridraridr kata sicuru tua laljing. tikama na' emavic ta tjasadjelung
a tjuqtjuq kata sizangzangzang ta laljing a gasu kata djukic. kisusuan tua
laling cemalivat tua sakingting saljezayanga patagilj, dremu' udrung a
venasak ta djemaladjalan ti kama, " liav a tjilik a lezaya, kipapaulingavu! "
ayaya tikama a palikuz. manu beriqberiq aya uqetjutj, djemeli aken a
kicakav, hihi hihi...

manu pacunamen ta sasiq a nasemengap a kisusangasangas tjanuamen,
saqetju aravac a caljedjen nua quljicapudus, " ljiacadjau! " aya tikama!

kadjemaljun amen i tjurungat, seceker amen itua namacunuq a djalan,
aicua i tjurungat niakinalivuan a sikuayan, rukacunuq aimaza a
kadjunangan.

lemagav amen a kivalidiyan, manu kamayan anan azanavulung a
kamurav a kasiv, navangalj tu kakedrikedriyan. kacemalivat amen i
puzakiljan izua matjapida a tapav a pecevucevulj, tjara tiavuvu azua ! a!
cemapacapa tiemandju! nu ivukid lemangda itjen tua maretimaljimalji a
ljingav, yi? napangac a ljingav! aicu macai itjen! kembung amen apacalivat.

avanu minevar amapuljat, nusengapan itjen tjaracaljedjen itjen. uu! ays!
kacemalivat ta qauqauin, seceker aken kapacun tuazua kinivaljuqan a qaljic!
namagalj aken nuizua kalickic a qatjuvi! nuladruq a valjetac na qau,
silaljilaljing ta zaljum, santjatjaveanen tu vayvayan ta itung ta sicauvan.
pazangal a cemuljev! kisu su itjen ta laljing, mayang sadjelung a tja
turivecan, nuizua namaljutj na makapalak a laljing, rakacensapavaliti tua
vaquan a laljing. ikakena venalanga tua ku ngarusngusan kata ku qusavan
tazua! pai semekez a men apalamu! " aicu zaqu " aya tikama, nupacun aken
nakiparu nagingging a vangalj, tjasivata' tua itung, makaya tjasiququ auta.
katemangu aken mapacun aza vuvuan, nakipaselem izuata vacinga akasiv,
manu venceluq ta ricing asemanpuzung ti kama, a pukeljang tu izua qecilu a
vuvuan, puvarung ti kama ayaken! aicua velu tjasikeljang tuzaljuzaljumen
akadjunangan. aimaza tjtjan nagemagalj ca ceva, qaca a zaljum
inikamakuljikulji , nuipalingulj itjen tua taljtitiv, imaza atjagulj nasemtangal.
kasucaqevan a sinantangku itjtjan, kinapeljuqan nacemel, djaljepan a
maljupetj alaljing, maljekedri anga a mangtjez i tjumaq a zaljum ayamen!
kavan aicu a kusinljavakan a semusu ta laljng!

109 年全國語文競賽原住民族語朗讀【中排灣語】 國中學生組 編號 4 號
tjemelju

a pasusanga kata pasuvililj nu mangetjez ta vali tjalja remaljiz sakamaya, avan nu sikapeljupeljuq nua pana nua veljeluwan sa milayap a zaljum a malaing tu pasainuinu. nu tjemelju itjen nu kaljavevewan, nakuya a ika kilaut tu pakainuinu a zaljum, nu rimurimuk nakuya tjemelju ika sun a pulingalingav tu namasikasiv tu maqarubarubay a qaciljay gemagalj aravac. nu naqemudjalj sa patje siyusiyuc a zaljum, matjatjiyatjiyak itjen nu izua tja saladj a vavayavayan a ramaljemaljeng a kakedriyan sa tje kisan tjaizaya, nu macidilj itjen masikinacu itjen a papesadjelung ta tja kinacavacavan sa tja tukuzan nu tjemelju itjen. izua nu neka nu tja kinacu, cemavulid itjen ta qaciljay aya ti vuvu. nakuya angata a ika temukuzan aya uta, awa nuaya itjen, izua nu tjemakulakula a zaljum, maqati a tukuzan a tja kitarangan sa pupicul itjen a paqecev ta zaljum. sa maqati uta tja sikikakeljang tu patjainuinu a kinaqacan na zaljum, tja ljiban a tukuzan sa seckecek ta kadjunangan. nu patjevaruvarung anga a zaljum, semevalj itjen ta vavayavayan ta kakedriyan a tjemelju. pupicul aravac a zaljum, tja qecapen ta tja cungalj a uqaljaqaljay sa tja kigemec. nakuya putideq kata calag na nasemevalj tja nuitjen, mayangata masiyaq, tja nakuya tja sipacay!

a ramaljemaljeng tjemavang ta pana tu pakainu a tjemelju a tja serenguaq. izua nu kipaqljuqaljudj sa ljemenguaq a maljaviljaving ta pana, nukuya paqecev aravac ta zaljum tja pasaladjan nu cuaiyanga, sa pakapacuni ni cemapadis izua sakamaya a qaciljay a ttagulj a na qemeceng, tja su ljauzan sa tja pukeljangi ta qaciljay, sa ika pakazuanan na qaljiqalji, tja pukeljangan uta a naseljenguaq a djalan. izua nu kidranav a tja sudju a mitjepanan, a kiljaljava kicacevungan a mapana tja nu itjen a kemasivavuavua. tjalja paqenetjan aken nu icengeceng ta masalusulut, aza kaljavevewan nuri matjumaljiyaqaljan itjen a masalut tja tinuqulj a tja ravaravain, izua nu remaselem a tja sudju a menetjez a kiqepu mayakinaqaca na zaljum, ljakua neka nu tjeveng kumalji a ita, nekemuda mun nu tjemelju akuwa neka nu tjeveng nu tjayain? djemeli sakamaya tiandju ika temevela! patje tucu nu ljemikayan a makatjakaka matu sitiyavan a tja inecevucevungan, aiyanga a tja parekiljivaljivak a tja parepusalasaladj matu kitja kudai sa tja pacikeli a tjakakudan a napenuzangal.

109 年全國語文競賽原住民族語朗讀【南排灣語】 國中學生組 編號 3 號
cemuljev ta laljing

nakidjadjalan aken tjai kama a ljemilji tua laljing, kemavic aken tua pinisikaw a ridrideridr katua laljing sicuru. tikama kinavic a tjasadjelung a tjuqtjuq katua sizang ta laljing a gasu, djukic. semusu amen tua laling cemalivat tua sakingting saljezayanga patagilj, kemaukav a venasak ti kama a djemaladjalan, “ liav a tjilik a lezaya, kipapaulingavu! ” ayaya tikama a palikuz. manu beriqberiq aya ku qetjutj, djemeli aken a kicakav, hihi hihi...

manu pacunamen ta sasiq a nasemengap a kisusangasangas tjanuamen, saqetju aravac a caljedjen nua quljicapudjus, “ ljiacdau! ” aya tikama!

kadjemaljun amen i tjurungat, secker amen itua namacunuq a djalan, aicua i tjurungat nia kinalivuan a sikuayan, rukacunuq aimaza a kadjunangan. sika lemagav amen a kivalidi, manu kamayan tuizuanan a kamurav a kasiv, puvangalj ta dradripudrupudruan. kacemalivat amen i puzakiljan izua matjapida a tapav a pecevucevulj, tjara tiavuvu azua kumalji! a! cemapacapa tiamadju! nu ivukid lemangda itjen tua maretimaljimalji a ljingav, yi? napangac a ljingav! aicu macay itjen! kempung amen apacalivat. avanu minevar amapuljat, nusengapan itjen tjaracaljedjen itjen. uu! ays! kacemalivat ta ’au’auyin, retjegel aken kapacun tuazua kinivalju’an a ’aljic!

namagagalj aken nu izua kalickic aqatjuvi! nuladruq a valjetac nua qau, silaljilaljing ta zaljum, santyatjavuan tu vavaivayan ta itung tasicauvan. pazangal a semusu itjen ta laljing, mayang sadjelung a tja turivecan, nu izua namapetjuq namaljekuya a laljing, pavaliti tua vaquan a laljing. ikakena venalanga tua ku ngalasngasan, ku quasavan tazua! pai, semekez amen apalamu! “ aicu zaqu ” aya tikama, nupacun aken nakiparu nagin-gin a vangalj, tjasivataq tua itung, makaya tjasiququ uta. katjemeqang aken mapacunaza vuvuan, nakipaselem izuata vacinga a kasiv, manu venceluq ta ricing asemanpurung ti kama, a pukeljang tu izua qecilu nua vuvuan, puvarung ti kama aya ken! kamatjavang azua velu, palamuanga zua cacevudan nua tjtjan. aicua velu tja sikeljang tuzaljuzaljumen akadjunangan. a imaza tjtjan nagemagalj saceva, qaca a zaljum inika makuljikulji sataljitim, nuipalingulj i tjen tua taljitim, matjeveng itjen tua carasiv, mayanga imaza a tjaljilj iqacan.

kasucaqevan a sinantangku itjtjan, kinapeljuq anga nacemel, djaljepan tumaljupetj alaljing, sekedrianga mulisuq amangtjez i tjumaq a zaljum aya men! aicua kusinljavakan a cemuljev talaljng, inika madjulu angata!

109 年全國語文競賽原住民族語朗讀【南排灣語】 國中學生組 編號 4 號
pacikel tua sikuayan

kasicuayan, liyaw aravac a sinan parutavak a seman senai nua ramaljemaljeng a skipaqenetjan tua sikuayan a kakudan, seman senai uta tua saljingan tua puzangalan tua tjaivilivililj niamadju. pai izua a senai a “pacikel tua sikuatan” aya a sikisusinglingelita tua sikuaya:
ljema gadugaduan a vali, kisususu tua pana a paljelaulauz a pasa gadu, zemarzarzar a cedas i ta dangas nua djilung na se tja-uvu-uvulj. nakiqecev tua qudjidjilj a ngisngis tua nga-inga-i tua lutiya a caucau. maru nasevusiyar anga a marka qata a pinasasevalivalitan a kauljayan, a tjaljasarunguaqan a parutavak ni kina inianga ka namaparu kai, inianga kamaseljudj a marka ngadan nua tjasevalitan, sa kaqulip anga. inianan kasicuaya... nu muqadadaw, minlayalayap a qaqa a makapavavaw i qinaljan; nu qezemzemetj, kinapeljuqan nua marka ljequ a kalevelevan. matu mavan anga tia tjugelui kati ngangai a qemauquaung ta samazan.a inika nakisasusu maru namulaw a paseveric tua nanemnemanga, kipenetj a seman sepi a taqaljaqaljan tu pacikel tua tua sikuayan. venalivali a pakipaqenetj, a kemasi ljavlav i kaledep a pasa zayazaya a kisu tua pana, kumalji a

qudjaqudjaljan nu mapacucun anga a quljivangraw, i dudut anga a qadaw ayaya a namapuzangal.
kipacikel a kipakim tua tjinzalemanan nua sevalitan, manu i maza kasizuanan nua milimilingan, a tjaucikel nia vuvu inadjuq ita qinaciljai a umaq a sikuayan, a senai a parutavak sinipakelai a pitua ngaingaw nua asaw nua kasiw, madjumak a papaulingaw nia vuvu itamarka ngasa nua upu a qaciljan, maru naljemavac tua garang nua cinuna a uqaljaqaljai, maru cemavulid tua kiljivak a papusiljiva a uqaljaqaljai, maru nazamangaq tua kipapuljat a maru zangaq a qada. pai kacuacuai a cavilj tucu mapacikel anga a sikuayan, tjezaleman a vali ita qaljapang, sa sepulingelingetj anga a guljinguljan a ljungbi, a vaqu, a djuljis, maru nasepuhana i kavuavuan, semenasenai a marka kakedriyan, tua sinicuayan a senai, namalingulingulj a dremakiyakiyan a maru penaisuisu, maru inalang a pakatua pinuluvucan, vincikan, cinenung, qinata, palalj, qungalj a nasepulingelingetj tu inutuinu anga tua qinaljai. paljeqauquaung tua levan a marka ramaljemaljeng tua maqtalianan tiemandju a seljavak tua pacikelan tua sinicuayanan.

Pnslawa puruc

Ali ndaan mu mosa qmita tama rusan ka nii, msange ku muuyas de
mgeriq rulu tama mu, desun ku na alang qmita tama rusan ma bubu rusan.
Ga mhuma paye kana yqeyaq ciida, kika dehuk miyan rhengun alang,
mgeriq rulu tama mu moda eluw ssiyo paye. Ni mkmumul paye ka ciida,
rwahun na bais rulu ka tama ma sbhurun bgihur ka dqeras mu ciida, sknexun
bgihur ge asi lux clokah kana hei mu duri. Mita ku paye, lmlamu kana lukus
ga phyegan cceka yqeyaq, “Ima naq meya phido lukus cceka yqeyaq hini
wa!” mesa ku lmngelung.

Dehuk miyan sapah na tama rusan de, ni phido lukus rhengun ka bubu
rusan, tuting ku rulu ma tmalang ku mosa memux heya, mqaras bale mita
yaku duri. Meyah ku siyo bruru, dmayo ku mangal lukus pnheyan na ma
phdagun na bobo btakan. Smiling ku “Meya ku eluw sapah ciida, niqan
seediq ga phido lukus cceka yqeyaq wa!” Mhulis bubu mu rusan mita yaku
ma tmelung tunux mu mesa; knkawas idas 10 dehuk idas 11 ali nii,
mkmumul ka paye de meyah mekan demux paye ka puruc. Ado mngungu
hari ka puruc ma kika pheyu lukus pnslawa puruc ka seediq, ririh so psklui
puruc ka kiya. Cbeyo, lbuun sudu paye ka btakan, slmeyun daha hnyegan

seediq, duma naq ge plkusun daha lukus, taan de so hari bale seediq ga
mheyu cceka paye hii, kiya mita puruc de miicu meyah sndaling paye
dhenu.

Mesa ka tama mu; mssbarux smebuc paye ka seediq cbeyo, kika taan
riyung yqeyaq alang ka sudu paye pnslawa puruc nii, psklui puruc ma
dmayo qmlahang yqeyaq ta ooda na. Smebuc ta paye saya de, ini dai
smebuc seediq, kika ini hari pheyu pnslawa puruc di. Seediq hndure nii,
blebil negul tqwilaq, lukus rako ma trasi rako ka phyegun daha cceka
yqeyaq, ani naq so kiya we, mtena kana ooda qmlahang pnhmaan ta duri.
Bobo na, netun namu mosa alang, mita namu lukus ga cceka yqeyaq de, iya
kesi “Ima gaga phido lukus cceka yqeyaq kiya wa!”

Alang Prisiya

Alang Prisiya nii we alang Plmukan, Prisiya nii ka irih so gaga
smdaling hari alang miyan Seediq. Rudan miyan cbeyo hayan we, alang
Pngerah kesun daha ka alang Plmukan nii, kndalax tama miyan rudan de
Prisiya kesun daha di, pnuyu daha kari Plmukan. Cbeyo hari hayan we Hori
kesun daha duri ka Prisiya nii, pnuyu daha kari Tanah Tunux ka kiya, ado
qnlhangan Tanah Tunux ciida, laqi hndure de Puri mesa ka dheya di, kari
Telu nii saya ka kiya. Ssiling mu tikuh hini we, “ Malux daha kesun alang
Pngerah ka alang Plmukan rudan miyan cbeyo? ” Daha ka pusu kari
pnyahan na nii mesa rudan alang, so nii ka kari snrnuwan daha.

Tgkingal kari snrnuwan daha ge, ado egu hei ka Plmukan, meniq
breenux ma, mgra hun mtgutu meniq ka dheya; Ita Seediq ge ini ta keegu hei
ma meniq ta lmiqu ma ddgiyaq. Kiak hmiru keeman ka knkingal sapah
Plmukan meniq breenux de, so hari pngerah karac baro qtaan ka ledax na
tqwilaq, kiya ka kesun daha alang Pngerah.

Tgdaha ge, nngalan daha qmita pngerah uuqan ta ido saya, bale ba we
ini kela dmoi pngerah ma atak ka rudan miyan cbeyo, asi ekan baga. Moda
rmigo bbrigan pngerah Prisiya ka rudan miyan cbeyo, buwan ledax hidu

bino ka pngerah dige, bale so pngerah karac baro tqwilaq qtaan, kika
pngerah kesun daha tmngayan duri. So nii de, uxe wano pngerah ppuqan ta
ido kesun miyan pngerah, pngerah kesun ta ka pngerah gaga tqwilaq karac
baro duri; kingal dungan we, niqan ka kui tqwilaq lmedax pusu na ngungu
de skiya keeman, pngerah kesun daha ka kui kiya duri.

Kndalax meyah meniq alang Prisiya hini ka Plmukan de, Prisiya nii ka
yyahun daha maruy qyqeya drudan miyan cbeyo, so ka parih, kagun ma
puru ddooyun qmeepah neepah ma, so ka supih ma ribo hprayan ppuqun,
kana so timu gimax hmanguc sama, qbulic ma bbali desun lmiqu. Rudan
miyan we mnene iq quri Paran cbeyo hayan, peeyah naq ciida ka meyah
maruy bbrigan daha ka drudan miyan cbeyo.

Saya de, ani miyan nanaq ga meniq alang Gluban hiya ge, knduwa
miyan meyah mbbaruy qpahan nami ma, brigun miyan so qyqeya ma so
smsama puqun nami ka Prisiya hini. Uxe wano seediq alang miyan ka
meyah mbbaruy Prisiya hini, kana seediq mneyah Toda ma Truku, Tayan
daka Bunun ka ga meniq quri Paran. Malu ba ka Plmukan ga meniq Prisiya
hini saya duri, mtbale miyan ma mggaalu nami kana.

Alang Mhebu

Alang Mhebu nii we, kiya ka kesun daha Ru-san Wun-cen saya. Ini ta na yahi qmlahang Tanah Tunux ka ita Seediq hayan we, seediq Tgdaya ka tnaalang alang Mhebu hini, ye wada piya kbekuy knkawas meniq hiya drdrudan daha de, nii ta ini klai di.

Ado knciyuk Tanah Tunux ka dseediq Tgdaya ma, mnsuupu kmciyuk mnccebu Tanah Tunux ka dseediq alang Mhebu duri, kika wada spuun ptheruy alang Gluban na Tanah Tunux ka dheya duri.

Bobo na, Telu nii ka meyah smriyux qmlahang ita Seediq de, pryuxan na mesa Ru-san Wun-cen ka ngayan alang Mhebu nii di ma, dPlmukan ka ga mosa mgsobay hiya di. Ado egu riyung qheding ka dheran Mhebu hiya, kuxul riyung mosa trebu Plmukan ma, kana so seediq mprigo pneayah alang icil.

Mesa ka kari snruwan drudan seediq Tgdaya, Pusu na bale we ado niqan qheding ka alang Mhebu. Daha yayung ga msterung alang Mhebu hiya, yayung Bkasan daka yayung Mhebu, ga hreyan qsiya qheding kana kssiyo yayung daha nii.

Ado mttilux ka qsiya qheding, mgrebu ma bbiyan de, mkala quri baro ka qrengul na, bungan qrengul qheding klaali ka dheran alang Mhebu nii, asi ka thido de, mtkaro ka qrengul na.

Dehuk karac baro ka qrengul na de, mgnetun bgihur msekuy di we, mstudiq denu ma, mtuting bobo dheran, so hari psrobo qmuyux denu; kika dheran “ mhebuy ” kesun daha quri Mhebu nii, ado psrobo qmuyux klaali de mgrebu ma bbiyan.

Bobo yahun meniq drudan miyan de, ngalan daha mesa Mhebu ka ngayan alang hini, “ Mhebu ” nii we knpryuxan daha peeyah kari knesa daha “ Mhebuy ”. So ka yami laqi hndure di we, ini miyan kela mesa pneeyah inu ka pusu kari knesa daha Mhebu nii di. Ani betaq saya, egu riyung ka so ngayan ta txtaxa ita Seediq, ngayan laalang ta, ngayan ddheran ta, ngayan yayung ta, ma ruru ta peni, ga ta ini snleesi ba mkela mesa pneeyah inu ka pusu na kari.

Mrrudu Paran

Mrrudu Paran, rima alang quri lmiyu Paran, so ka alang Drodux, so ka alang Truwān, alang Bwaarun, alang Gungu ma alang Suku. Uxe ka alang Tntana, ini tutuy ka qbsuran dahan Walis Buni, ano Seediq pneayah rima alang lmiyu msliqaq dahan ka Tanah Tunux.

Tmraqil riyung qqalahang na seediq ka Tanah Tunux. Muure paru ka laqi ma bubu mqedil dahan, uka pnixanan, ano ba skagul rseno seediq mosa gmeyu qhuni bbuyu baro, slmeyun sapah qtinuh Tanah Tunux Paran. Ini bege pila ririh bqeurs seediq uri.

Mngari knkawas snegul ku tama mu mosa limqu baro, mosa ku dmayo mheyan qhuni paru, tllingis ku dmayo tama mu mheyan qhuni ciida. Tmraqin paru seediq ka Tanah Tunux ciida, mseyang paru seediq lmiyu. hbaro seediq wada huqil. kiya wada mseyang paru seediq, kiya mrrudu paran. Msange Mrrudu Paran ciida, sliyun na ka mnngari seediq bobo Mrrudu Paran, tpaan na rulu toraku hadun na alang Gluban hini.

Alang Gluban nniqun plmukan cbeyo, bukuy alang na ge lmiyu paru, berah na ge lmiyu para uri, siyo na ge yayung biciq ma, berah na ge yayung paru. Niqan yqeyaq alang Gluban, qnpahan Plmukan cbeyo han, ma psugan

na yqeyaq ka seediq sneli na kndalax Paran. Ini baka yqeyaq qpahun dahan, ma mbeyax tmgesa laqi uri, mbeyax naq prading smmalu yqeyaq pqyaqun dahan mhuma paye ka seediq.

Prading han, uka ani mmaanu puqun dahan, malu lnlungan seediq Mbgala, seediq Tayal kesun ta, dheya meyah mege kana so ppuqun seediq Gluban, so ka suke Bgala kesun ta, kiya ini miyan chngii kesun miyan suke bgala beta say.

sklui miyan rudan miyan ini rengo kari naqah ndaan Tanah Tunux cbeyo. Ini nami kseyang uri, ini kesa kseyang rudan miyan, mqaras miyan msterung Tanah Tunux. splawa nami meyah mekan ido sapah, smruwa nami Tanah Tunux knnaqah yami. Bale ba bale, smruwa ta seediq, smruwa ita seediq uri.

Mntena qbsuran Walis Buni mesa, bleyaq mosa namu alang Gluban, bleyaq mmaangal, mskuxun, kiya dungus kesun alang Gluban. Mbahang ta kari na qbsuran Walis Buni, ita seediq Gluban, iya ta chngii kari na mmaangal ta ma mskuxul ta nii mesa.